

Buku druen/saking : Pr. Jambe, KRAMBITAN.
Sane murun : A.A.Ngurah Ketut.
Sane mandungang : A.A.Ngurah Ketut miwah A.A.Ngurah RAI.--

JAMBE NAGARA : PR.JAMBE, KRAMBITAN, 1

1 1

PUH GINADA.

2 Awighnam astu.

3 ¶1¶ Ada gaguritan anyar, metu saking kawi paling, sastra muda lyu lepas, masih mi-
4 lu ngawe Kidung, tuturan satwa Gianyar, sampun jati, ngarorod ka gumin Sasak.

5 ¶2¶ I Jambe Nagara kocap, uling wawu mara mijil, lyu anak mamuduhang, sami wargin
6 -nyane ngajum, dahane pada ia uyang, ia pabisik, mapigum teken roangnya.

7 ¶3¶ Kudyang tityang tane enyag, ngenot I Jambe Nagari, buka saja enot-enot, he-
8 ning nyalang buka gerus, paican Bhatara Indra, Hyang Dipati, tumurun manyalantara.

9 ¶4¶ Daha-dahane misikang, matakon makisi-kisi, I Wayan I Made reko, I Nyoman I Ke-
10 tut paum, mangawe daya upaya, mangde gelis, tarunane panga bakat.

11 ¶5¶ I Made alon angucap, I Wayan raris nyarengin, embok mangawenang daya, singnya
12 twara bakat ejuk, kembarin ia ajak patpat, yennya jerih, saup sangkol atas-aras.

13 ¶6¶ Sampun puput pawilangan, taruna carita mangkin, sedih kangen teken awak, bas
14 lyun anake buduh, lilayang lwas mapikat, makta kedis, titiran putih utama.

15 ¶7¶ Raris katepuk dijalan, dahane pada nepukin, I Luh Made ngucap alon, I Wayan
16 sareng sumawur, cai Nyoman ulat tragya, makta kedis, embok misadya nuwutang.

17 ¶8¶ I Jambe Nagara ngucap, munyin-nyane nyunzur manis, ngasen jani kabencana, mu-
2 1 nyi manis kadi madu, embok nguda ngarerenang, tityang cerik, tani sapala rawosang.

2 ¶9¶ Yennya cai Nyoman enyak, I Ketut ngonkon mamunyi, ngalemesin cai reko, apang
3 cai suka mupu, manganggon I Ketut nyama, saking singid, I Mirah ia anggon panjak.

4 ¶10¶ Yennya cai Nyoman enyak, ne ne mani kayeh kangin, apang gati sasingidan, embok
5 malu suba ditu, mangajak I Ketut Mirah, saking singid, embok ditu pasemengan.

6 ¶11¶ I Jambe Nagara ngucap, inget teken awak cerik, kenken jani ban madaya, kena-
7 nina jeet enduk, sukeh jani ban madaya, yan tan ngiring, tan urungan pacang pejah.

8 ¶12¶ Tan kawarna sapunika, wengi caritane mangkin, dahane ngawangun payas, I Ke-
9 tut manabdab pusung, I Made manyemak swah, manywahin, I Wayan ngaturin sekar.

10 ¶13¶ I Nengah ngaturin canang, dulang dulangan matulis, sandingin pudak cinaga,
11 puput pakirene sampun, sampun tatas galang tanah, tur mamargi, tan kocapan maring
12 jalan.

13 ¶14¶ I Wayan malu lumempah, satindak mangawe tangkis, raga nyalang gading meros,
14 tindak-nyane mirib ajum, gelisang kuda mamarga, mangde gelis, taruna sampun irika.

15 ¶15¶ Tarunane ngawe raras, masingidan sada gati, di kayu emase ngeloh, lilitin
16 gadung ngarembun, manedeng pada mabunga, ne ne mangkin, tarunane ngempok sekar.

17 ¶16¶ I Ketut raris ia kema, ngojog ka pancorne mangkin, tarunane lengleng be-
18 ngong, mangenot I Ketut manjus, buka tong pasah malihat, sampun pasti, I Ketut ma-

3 1 kadi bulan.

2 ¶17¶ Pupu nyalang magelohan, raga lwes mangedanin, tegak wadanane melok, untu
3 nyalang ngatibangbung, pacingake nwek dada, sampun jati, hatin tarunane enyag.

4 ¶18¶ Sampun wusan ia masiram, kocap I Jambe Nagari, raris mangaturang sekar, I
5 Ketut jengah mandulu, I Jambe Nagara ngucap, durus asih, Idewa manganggen nyama.

6 ¶19¶ Pamunyinne embok Wayan, teken tityang sane tuni, Idewa kocap mangonkon,
7 singnya tityang salah sengguh, tityang dadi janna papa, durus asih, Idewa mangang-
8 gen panjak.

- 3 9 (20) I Jambe Nagara ngucap, tityang katempuhang Kawi, dyastun Idewa kaleson, ang-
10 gen tityang juru tikul, medem bangun di pabinan, sai-sai, tityang manjakin Idewa.
- 11 (21) Yen sampun Idewa ica, teken tityang twara malih, jalan lwas mangarorod, ka
12 gumin Sasake tuju, sareng dane embok Wayan, pacang ngiring, ngarorod nungkap sagara.
- 13 (22) I Ketut raris angucap, tityang ngiring kayun beli, yen suba neked di Sasak,
14 nanging beli apang tuhu, pacang nganggen tityang panjak, eda ninggalin, ala ayu ajak
15 tityang.
- 16 (23) I Jambe Nagara ngucap, tityang manyawuhang manyi, yan tityang mitya ring ra-
17 wos, twara tindih teken hatur, dumadak tityang sengkala, temah Widhi, keto ubayane
18 pragat.
- 19 (24) Tumuli lawut majalan, sampun rawuh di pasisi, prahune malayar reko, manum-
4 1 pang sareng maprahu, tan kocapan di sagara, kaget prapti, turun ia di gumin Sasak.
- 2 (25) Di Gianyar jani kocap, Gurun I Luh Ketut mangkin, mara tahu ring kelangan,
3 raris dane malaib pesu, mangonkon ngebug gendongan, ne ne jani, banjar endeh masli-
4 yuran.
- 5 (26) Banjare endeh kocapan, anak ngudyang dewa gusti, kulkule bulus manrongtong,
6 Gusti Wayan dane lacur, puteran dane kocap hilang, ne ituni, ngarorod ka gumin Sasak.
- 7 (27) I Jambe Nagara hilang, kocapan sane ituni, anak saja manis bonyok, I Luh Ke-
8 tut linglung buduh, salingke anake bajang, tani sedih, teken I Jambe Nagara.
- 9 (28) Gusti Wayan ka bancingah, raris ngaturang piuning, Anake Agung di Jro, Gusti
10 Wayan raris matur, widarta tingkahe hilang, ne ituni, ngarorod ka gumin Sasak.
- 11 (29) I Dewa Manggis ngandika, kenken jani ban mangalih, dening ngaliwat sagara, tan
12 urungan pap-cang kebus, seden-nyane petang laksa, yadyan aketi, nira ngalugrahang ji-
13 nah.
- 14 (30) Tan kocapan di Gianyar, I Ketut carita mangkin, magenah di gumin Sasak, gu-
15 nan-nyane sayan tumbuh, mangendek nyatri pradnyan, tuhu ririh, melahe twara da pada.
- 16 (31) Dahane pada ia kema, maguron malajah nyatri, ada mangaturin sekar, lengise
17 sampun kaatur, canange twara tuna-nya, sai-sai, manau di gumin Sasak.
- 18 (32) Ne mangkin dewasa melah, purnamaning Kapat mangkin, pabresihan lanang wadon,
19 dahane ditu mapunduh, I Ketut dane makramas, tur masisig, lunga ka taman masiram.
- 5 1 (33) Tan kocapan ia di jalan, dahane ia pada ngiring, anake di jalan bengong, I
2 Ketut mamargi halus, sing teka anake mimpas, ngaden Gusti, dahane pada ngiringang.
- 3 (34) Sampun rawuh maring taman, ditu kalangene lwih, panedeng sekare reko, pancor-
4 an wenten papitu, I Ketut dane makramas, tur masisig, masiram maring pancoran.
- 5 (35) Sampun wusan ia masiram, I Ketut raris malinggih, dahane ngaturin sekar, go-
6 ban-nyane lintang ayu, twara pantes jajar karang, jang di puri, pantes iringang la-
7 lancang.
- 8 (36) Anake Agung ka taman, I Ketut emu malinggih, sedekan ngawangun payas, Anak
9 Agung linglung buduh, tong pasah Ida macingak, buduh paling, I Ketut makadi bulan.
- 10 (37) Anake Agung ngandika, teken parekane mangkin, wong apa anake busan, goban-
11 nyane listu ayu, parekane mangaturang, tityang uning, rarudan saking Gianyar.
- 12 (38) Anake Agung ngandika, teken parekane mangkin, ne muani dawuhin reko, tunden
13 lwas maprahu, lwas ejoh ka Sumbawa, manilikin, kocap pangrawose iwa.
- 14 (39) Parekane manawuhang, I Jambe Nagara ngiring, dening praya lwas ejoh, bekele
15 cumadang sampun, raris dane mangarepang, minta asih, ne isteri ngaturin canang.
- 16 (40) Sumingkin manaha srantha, sedeng ayon-ayon marabi, raris dane ka paturon, di-
17 tu dane wor salulut, sepah tinarimeng waja, silih-asih, sampun dane elas manah.

- 5 18 (41) IJambe Nagara lwas, keutus sampun mamargi, lwas ejoh ka Sumbawa, antuk Ida
6 1 Sang Aulun, I Ngurah Mataram ica, mangesengin, bandega pacang mwatang.
- 2 (42) Sampun rawuh di sagara, I Ketut carita mangkin, sampun kadawuhan ka Jro, an-
3 tuk Ida Sang Aulun, I Ngurah Mataram ica, ngasih-asih, I Ketut sedih belbelan.
- 4 (43) Karumrum antuk kasukan, nyai Ketut nora tapi, Anake Agung ngandika, pangan-
5 dikan Ida halus, Ni Ketut saking Gianyar, sedih kingking, inget dane teken awak.
- 6 (44) Mangeling masasambatan, eling dane teken rabi, tan pakerthi dadyi jama, sa-
7 tata manemu sungsut, beli Nyoman Jambe Nagara, dadi lalis, beli mangalahin tityang.
- 8 (45) Pamuyin beline suba, teken tityang twara malih, kandugi majalan ngarérod, es-
9 thin tityang ring Iratu, sakitan beline suba, jawat mati, ala ayu ajak tityang.
- 10 (46) Anake Agung ngandika, teken wong jrone sami, siga ngudyang pada bengong, ke-
11 togang apanga lyu, kasukan dini di Sasak, isin puri, Ni Ketut apanga enyak.
- 12 (47) Tan kocapan sapunika, kocap I Jambe Nagari, sampun turun di Sumbawa, mairing-
13 an limang atus, prahu suba madampyak, di pasisi, turun ia jani madagang.
- 14 (48) Subandare jani nanggap, sadaging prahune sami, panjak-nyane maka-kajang, I Su-
15 -bandar listu ayu, nanging palihat-nyane ledap, mu milih, sedeng labuhin di karma.
- 16 (49) I Jambe Nagara kocap, nyelsel awak ne ne mangkin, tan pakerthi dadi jama, to
17 I Ketut ngawe musuh, jani dini nemu naraka, mangemasin, sing jalan manemu papa.
- 7 1 (50) Subandare mangarsayang, I Jambe Nagara mijil, buka Panjine di Malat, Subandar
2 -e linglung buduh, sedeng labuhin di karma, kenyung manis, raris dane kasimpangang.
- 3 (51) Dahan Subandare punyah, ngenot I Jambe Nagari, ngalih canang langah-longoh,
4 buka tong dadi lumaku, ngatonang I Jambe Nagara, linglung paling, sedeng labuhin di
5 karma.
- 6 (52) Waklandane jani ngeman, Bugise manganggon Gusti, twara kirang amah anggo, su-
7 ka idepe satuwuk, sakita karepe nitah, ne ne jani, tan eling mulih ka Sasak.
- 8 (53) Lwih ulangun irika, di karang Sumbawa mamukti, wong Jawa pada nyawita, Gusti
9 sami pada asung, teken I Jambe Nagara, ne ne jani, kasengan ia ka bancingah.
- 10 (54) Ratu Mesir mangandika, teken I Jambe Nagari, makelo ban cai kesah, ring gumin
11 Sasak puniku, beli jati manakonang, teken cai, ada maumah di Sasak.
- 12 (55) I Jambe Nagara nyumbuh, hature masawang gendis, tan wenten tityang matulak,
13 bhaktin tityang ring Iratu, I Ngurah Mataram iwang, mamarosih, ngalungsur linggih u-
14 tama.
- 15 (56) Wong jron Iratu kocap, wawu mah tityang kaambil, antuk I Ngurah Mataram, Ida
16 wantah lintang asung, mangutus tityang malayar, rawuh mangkin, tityang iriki ngawula.
- 17 (57) Ratu Mesir mangandika, teken I Jambe Nagari, beli kangen madingehang, ring
18 kraman caine ditu, ngawula dumadi panjak, tan pakerthi, beli jengah madingehang.
- 8 1 (58) Gantin twah Sasake rebah, ulih cai mangawenin, I Ngurah Mataram iwang, manu-
2 wakang krama buduh, twara inget teken yasa, dadi pelih, gamane twara gawennya.
- 3 (59) Ada jati di sastrannya, wangsan-nyane metu sakti, pagah ring kalingan wangsa,
4 penjak sakti sidhi terus, wong jaba-kutane kocap, sakti lwih, Dewa asung pada lugra.
- 5 (60) Yen twah cai bisa jengah, ne jani sedeng etohin, Sasake ia nyandang rebah, ba-
6 batangin angan asyu, Walanda pada pucukang, bwin asasih, Sasake apanga kalah.
- 7 (61) Walanda pada penekang, di Ampenan meneke becik, panggungan gawenang pangloh,
8 mariem ditu mapunduh, di bale panggunge macangcang, ne ne jani, Sasake nahen kaciwa.
- 9 (62) Ratu Mesir mangandika, teken para Tuane sami, apang gati mapitungan, ne ne ma
10 -ni apang ngawug, malayar maring sagara, ne ne mani, turun pada di Ampenan.

- 8 11 (63) Sampun sanja surup Surya, I Jambe Nagara pamit, Ratu Mesir liwat ica, ngicen
12 obat i prahu, ayatan mangkat ka Sasak, teken mimis, aketi pikul paica.
- 13 (64) Sampun rawuh di bancingah, raris kacarita mangkin, I Jambe Nagara kocap, mai-
14 ringan magarudug, wong Jawa mamakta obat, teken mimis, rawuh di karang Sumbawa.
- 15 (65) Panguingu sampun cumadang, ne ne ngamah ebe sampi, Walanda mangamah reko, u-
16 lam kambing karep ipun, sami ia pada malblab, makta cukit, baburuan-nyane gumencang.
- 17 (66) Sampun wusan ia manunas, raris ia kacarita mangkin, madampyak pada ia be-
9 1 ngong, I Jambe Nagara pesu, maudeng batik maprada, nyungklit keris, patitp Saka ring
2 Jawa.
- 3 (67) Urangka lwih utama, madanganan mas maukir, masasocan mirah reko, mapinda dan-
4 ta maselut, mawasta Bhatara Gana, tuhu lwih, patitp Tuan Capella.
- 5 (68) I Jambe Nagara ngucap, teken para Tuane sami, ne encen pada nu tresna, bhak-
6 ti ring Anake Agung, pacang manututin icang, ne ne jani, ngalurug ka gumi Sasak.
- 7 (69) I Jambe Nagara lwas, memargi kantung diduri, mairingan Bugis reko, sami pada
8 maambul-umbul, Ratu Mesir Ida ica, maninjonin, rawuh di pasisi nyingak.
- 9 (70) Walanda jani kocapan, di Ampenan tuwun mangkin, Walanda ngawe pangeloh, pang-
10 gungane sampun puput, mariem suba macancang, ne ne mangkin, I Jambe Nagara teka.
- 11 (71) Panepin Sasake kocap, tahu teken daya runtik, Walanda ngawe pangloh, pang-
12 gungane sampun puput, mariem suba macancang, ne ne mangkin, bebet Walanda irika.
- 13 (72) Jalan uningang ka pura, tingkah Walandane mangkin, Anake Agung di jro, nga-
14 rawos ring I Luh Ketut, rebine saking Gianyar, ne ne mangkin, kawula matur supeksa.
- 15 (73) Ngurah Mataram mumirak, ne jani sedeng etohin, Mancane kasengan reko, Prebe-
16 kel ditu mapunduh, Punggawa pada majajar, ia manangkal, gendongan sampun matepak.
- 17 (74) Anake Agung ngandika, teken Punggawane sami, maman pada lamun apa, bhaktine
18 tekening aku, nindih gumine di Sasak, yen maman mati, nira pacang mukur maman.
- 10 1 (75) Gusti Nengah Sobagan ngucap, manelik mangembus keris, Ida Wayan Gélgél reko,
2 ngakak mangambahang rambut, Ida Wayan langgah ngandika, tityang ngiring, ngabekin
3 tanah Ampenan.
- 4 (76) Mancane sampun mamarga, di Ampenan rawuh mangkin, masuryak mangamuk reko,
5 tan pangitung mati lyu, kabledil olih Walanda, ne ne mangkin, Walanda mati asya.
- 6 (77) Gelisan jani katanggal, mariem raris mamunyi, di bale panggunge reko, Sasake
7 jerih pagrudug, Prebekele kena patp at, pada mati, baong-nyane pada pegat.
- 8 (78) Jerihe rawuh ka bancingah, bedil tan sipi mamunyi, makerug makadi kilap, pra-
9 tiwine mirib lebur, I Ngurah Mataram duka, ngunus keris, Prebekele ia pagyak.
- 10 (79) Punggawane pada muncab, mangamuk mangunus keris, saling pada mautama, Walan-
11 da jerih pagrudug, I Tuan Capella pejah, mati jerih, kapunggal katur ka Sasak.
- 12 (80) Bugise teka malikang, sami pada ngamel bedil, Walandane galak reko, gagemet-
13 ne mangatupuk, Walanda pada magyak, ngamuk mangkin, Walanda mangaba pedang.
- 14 (81) Syate jani kocapan, Bugise ngalawan Bali, mapeluk majambak reko, Walanda te-
15 ka mamulung, manyampwak bean galewang, pada mati, suryake mauder-uderan.
- 16 (82) Di bale panggunge kocap, bedile tan red mamunyi, wong Sasake kena reko, li-
11 1 man-nyane pada tukang, tendas-nyane pada belah, kena kabledil, Prebekele pada kena.
- 2 (83) Gusti Nengah Sobagan kocap, masih dane kena bedil, pupun-nyane dekdek reko,
3 kawula jerih pagrudug, sami tong dadi balikang, ne ne mangkin, len mati jekjek ro-
4 angnya.
- 5 (84) Ida Wayan Gélgél malikang, manyengking mangunus keris, mangamerin baan ta-
6 ngan, kawulane tan pangitung, Ida Wayan raris ebah, tunggang-tungging, kajekjek an-
7 tuk kawula.

- 11 8 (85) I Ngurah Mataram kocap, malinggih soring waringin, nyingak kawulane reko, a-
 9 da jengkel ada elung, tendas-nyane pada belah, ne ne mangkin, utusan rawuh tatiga.
- 10 (86) Anake Agung ngandika, nani ngudyang teka jengis, utusane raris nyumbah, ti-
 11 tyang ngaturin Iratu, Gusti Nengah sampun lina, keni bedil, pupun-nyane dekdek pisan.
- 12 (87) Anake Agung ngandika, depang keto jalan mulih, yadin nyane buka keto, wyadinyi
 13 -nya pacang teluk, nyawita teken Walanda, minta urip, di puri bareng rawosang.
- 14 (88) Sampun rawuh di purian, katur sampun mangraris, prakulit irika reko, samia ia
 15 pada madusdus, turun ia jani pagyak, delak-delik, mamunyi teken roangnya.
- 16 (89) Gejer-gejer bangun ngakak, raris kaaturin wangi, bokoran mase marerod, wantah
 17 canang daging-ipun, I Ngurah Mataram nyumbah, ne ne mangkin, punapi kayun I Dewa.
- 18 (90) I Dewa raris ngandika, Walanda nyandang telukin, Idewa mangawe salah, baane
 12 1 ngalungsur lungguh, I Jambe Nagara teka, ngajak Bugis, Walandane pada teka.
- 2 (91) I Ketut nyandang picayang, teken I Jambe Nagari, runtutin raja kasukan, gawe-
 3 nang apanga landuh, I Ngurah Mataram nyumbah, tityang ngiring, gumine apanga melah.
- 4 (92) Berase pada picayang, sampi bebek anggen nulurin, apanga ia dadi purna, I Jam
 5 -be Nagara lipur, Walandane pada enak, maan sampi, sakita karepe ngolah.
- 6 (93) Bugise madaar arak, mangigel ngaba be sampi, Walandane pada bengong, baburu-
 7 an pada makupkup, jogede dini onyangang, ne ne jani, kupkupang pada mapisan.
- 8 (94) Anake Agung kocapan, nguehang I Ketut mangkin, runtutin raja kasukan, isin pu
 9 -ri sampun ketud, wong jrone kpicayang, sami becik, panaya dwe ring Sasak.
- 10 (95) I Ketut mangkin kocapan, dening ia sampun kaambil, I Jambe Nagara bengong, I
 11 Ketut raris maatur, beli Nyoman Jambe Nagara, dadi lalis, beli mangalahin tityang.
- 12 (96) Pamunyi beline suba, teken tityang twara malih, kandugi majalan ngarorod, es-
 13 thin tityang ring Iratu, bareng-bareng ka narakan, kento beli, daweg kari di Gianyar.
- 14 (97) Makelo ban beli matilar, dening tityang mawak isteri, nora pageh teken awak,
 15 gelisan tityang kaejuk, antuk I Ngurah Mataram, tityang sisip, suka beli mamputang.
- 16 (98) I Jambe Nagara ngucap, depang kento titah Widhi, apan tong dadi selselang,
 17 jelene katepuk malu, beli jani ngawalesang, manyakitin, pada ia manemu wirang.
- 13 1 (99) Bugise jani kasengan, Walandane teka sami, raris katari-nya reko, ngagurahin
 2 anak eluh, rabine di Sasak onyang, ia pilihin, karsayang pada mapisan.
- 3 (100) Bugise raris ngajroang, Walanda sareng mututin, wus rawuh ring Saren Agung,
 4 nyaluksukin pati luplup, I Ngurah Mataram jengah, mangamerin, Bugis Walandane galak.
- 5 (101) Ka Saren Agung ngalantas, wong jro ditu kapanggih, sedek ia ngawangun payas,
 6 Walandane raris nyaup, nikul raris kategakang, ma-nimanin, cungguh-nyane buka caceak.-